



**Comunu de Quartu Sant'Aldi  
Tzitadi Metropolitana de Casteddu**

**DELIBERATZIONI DE SU CONSILLU COMUNALI**

**Nùmeru 02 de su 13/02/2024**

**Ogetu: Regulamentu po sa cuntzessioni de is àreas pùblicas destinadas a spetàculus itinerantis e modalidadis de esercìtziu de s'atividadi. Aprovatzioni.**

S'annu 2024, su 13 de su mesi de Friaxu, a ora de is 12.07 in Quartu Sant'Aldi, in sa sala de su Consillu, cunvocau cunforma a sa lei, s' est atobiau su Consillu Comunal. Funt presentis is sennoris:

MURGIONI Rita	Eja	PANI Antonio	Eja
AMORE Francesco	Eja	PAU Massimo	Eja
ANGIUS Romina	Eja	PERRA Laura Savina	Eja
BUSONERA Stefano	Eja	PILUDU Francesco	Eja
CADONI Barbara	Eja	PIRAS Valeria	
CAREDDA Francesco	Eja		
CARRERAS Mauro	Eja	PISANO Michele	Eja
DEL ZOMPO Marina	Eja	SARRITZU Martino	No
DELIGIOS Luisella	Eja	STEVELLI Christian	Eja
DELOGU Maria Paola	Eja	TOCCO Franco	Eja
DEMURTAS Anna Maria	Eja		
DEMURTAS Maria Antonietta	Eja	TOLU Ignazio	Eja
DESSI' Alfredo	Eja	TORRU Lucio	Eja
GIUA Maria Assunta Caterina	Eja	USALLA Elisa	Eja
LIGAS Mauro	Eja		
MILIA Graziano Ernesto	Eja		
NAITANA Vincenzo	Eja		

Presentis: 28 Ausentis: 1

Pigat parti a sa setziada su Segretàriu Generali Maggio Paolo. Ndi liat sa presidèntzia Murgioni Rita.

**SA PRESIDENTI DE SU CONSILLU COMUNALI**  
**RITA MURGIONI**

Sighendi sa setziada presentat sa chistioni posta in s'Agenda de is traballus po sa dii cun ogetu: "Regulamentu po sa cuntzessioni de is àreas pùblicas destinadas a spetàculos itinerantis e modalidadis de esercìtziu de s'atividadi. Aprovatzioni";

De chi s'est votau:

Presentis: n. 28;

Ausentis: n. 1 (Martino Sarritzu);

Votantis: 28;

Votus a favori:a totòmini (unanimidadi);

Su Presidenti proclamat sa votatzioni e declarat chi sa proposta de deliberatzioni est aprovada: "Regulamentu po sa cuntzessioni de is àreas pùblicas destinadas a spetàculos itinerantis e modalidadis de esercìtziu de s'atividadi. Aprovatzioni";

De chi s'est votada s'esecutividadi:

Presentis: n. 28;

Ausentis: n. 1 (Martino Sarritzu);

Votantis: 28;

Votus a favori:a totòmini (unanimidadi);

Su Presidenti declarat s'esecutividadi a manera imediata de custa delìbera etotu.

**SU CONSILLU COMUNALI**

**Bida** sa proposta de deliberatzioni n. 14/2024 firmada de su Dirigenti incarrigau cun Decretu Sindacali n. 20 de su 30.12.2022, Dirigenti de su Setori 11 – Pianificatzioni Urbanistica, Pianificatzioni stratègica, SUAPE, Fundus UE, Paesàgiu, Atividadis produtivas, Promozioni de su Territòriu, Turismu", chi narat:

- "**Postu chi** - s'art. 1 de sa lei 18 de martzu 1968, n. 337, cun ogetu "Dispositzionis in contu de circus cun cuaddus e in contu de spetàculos itinerantis" at stabiliu chi su Stadu arreconnoscit sa funtzioni sotziali de is spetàculos itinerantis e duncas nd'agiudat su svilupu insoru;
- nd'arreconnoscit una funtzioni de coesioni econòmicu-sotziali, duncas is administratzionis ponint in aplicu is atzionis de cumpetèntzia po ponni paris is esigèntzias econòmicus-imprenditorialis de is operadoris cun cuddas de su tzitadinu;

**Liada a cunsideru** sa delibera de Giunta Comunal n. 299 de su 29.11.2023, cunforma a s'art.9, c. 3 de sa L. 18 de martzu 1968, n. 337, chi at sceberau is àreas comunalis po ddoi fai custus spetàculos;

**Cunsiderau chi** s'art. 9 c.5 de sa lei 18 de martzu 1968, n. 337 at stabiliu chi "Is modalidadis de cuntzessioni de is àreas an a essi determinadas cun regulamentu deliberau de is administratzionis comunalis";

- ddoi at s'esigèntzia de unu regulamentu a livellu locali;

**Cunsiderau** chi sa Giunta Comunali cun deliberatzioni n. 336 de su 21.12.2023 at presentau a su Consillu Comunali s'aprovatzioni de su “Regulamentu po sa cuntzessioni de àreas pùblicas e s'esercìtziu de atividadis de spetàculu itineranti”;

**Biù** su schema de “Regulamentu po sa cuntzessioni de àreas pùblicas e s'esercìtziu de atividadi de spetàculu itineranti” in allegau a custa deliberatzioni etotu;

**Cunsideraus** is obietivus de su Regulamentu;

**Biù** su Regulamentu chi disciplinat is elementus afatantis:

- definitzionis e dispositzionis generalis po cumpliri atividadis de spetàculu itineranti in su territòriu tzitadinu;
- protzedura de rechesta e de cuntzessioni de is àreas;
- de critèrius de assinnatzioni;
- òbligus de su cuntzessionàriu;
- santzionis;

**Cunsiderada** finas s'Ordinàntzia sindacali n. 656 de su 06/11/1998 puntu n. 24”;

**Arriciu**, cunforma a is artìculos 49 e 147 bis, de su D.Lgs. 18/08/00, n. 267, parri a favori po su chi pertocat sa regularidadi tècnica, espressau de su Dirigenti de su Setori 11 – Pianificatzioni Urbanistica, Pianificatzioni stratègica, SUAPE, Fundus UE, Paesàgiu, Atividadis produtivas, Promotzioni de su Territòriu, Turismu;

**Arriciu** parri a favori de su Segretàriu Generali cunforma a s'art. 97, c. 2 de su D. Lgs n. 267/00 e a s'art. 4, c. 4, de su Regulamentu Comunali in contu de Controllus Internus;

**Bius:**

- su d. Lgs 267/2000;
- sa L. 337/1968;
- su Decretu interministeriali 20.07.2023;
- sa L. 241/1990;
- su Statutu Comunali;

## DELÌBERAT

**De aprovai** su “Regulamentu po sa cuntzessioni de àreas pùblicas e s'esercìtziu de atividadis de spetàculu itineranti” aprontau cunforma a sa L. 337/1968;

**De declarai** chi custa deliberatzioni est esecutiva luegus etotu, cunforma a s'art. 134, c. 4, de su d.lgs.vu 18 de austu 2000, n. 267.